

MARREVESHJA E LIDHJES ME RRJETIN E TRANSMETIMIT

ndermjet

OPERATORIT TE SISTEMIT TE TRANSMETIMIT

OST SHA

DHE

(Perdoruesi)

___/___/___

KJO MARREVESHJE E LIDHJES ("Marreveshja") lidhet sot ne date _____.20__ ndermjet:

1. OPERATORI I SISTEMIT TE TRANSMETIMIT, (me poshte referuar si OST sh.a), shoqeri aksionare, regjistruar si person juridik me Vendimin Nr. 31935, dt. 14.07.2004, te Gjykates se Rrethit Gjyqesor Tirane, me seli ne Tirane, _____, me NIPT K42101801N, perfaqesuar nga Z. _____, Administratori i OST sh.a., dhe
2. SHOQERISE _____, nje shoqeri e krijuar sipas ligjeve te Republikes se Shqiperise, regjistruar si person juridik me Vendimin Nr. _____, dt. _____, te Gjykates se Rrethit Gjyqesor Tirane, me seli ne Tirane, me NIPT _____, me seli te rregjistruar ne adresen: _____, e perfaqesuar nga Perfaqesuesi ligjor Z/Zj. _____, (ketu me poshte referuar si "Perdoruesi")

secila referuar sipas marreveshjes gjithashtu si "Pala" ose se bashku "Palet" sipas rastit.

Meqenese:

- A. Me shkresen Nr. _____ Prot., dt. _____, Shoqeria _____ ka paraqitur ne OST sh.a kerkesen per lidhje me rrjetin e transmetimit te OST sh.a., te nje _____ (HEC/Ngarkesen) me fuqi _____, te vendosur ne _____.
- B. Me shkresen Nr. _____ Prot., dt. _____ te OST sh.a, Shoqërisë _____ iu dha Oferta e Lidhjes për të lidhur në rrjetin e transmetimit të OST sh.a., te _____ sipas skemës principale elektrike të lidhjes së _____ me sistemin e transmetimit të aprovuar (Aneksi 1);
- C. (Pershkrim i permbledhur i skemes se lidhjes).
- D. Me shkresen Nr. _____ Prot., dt. _____ "Deklarate Pranimi", Shoqeria _____ ka informuar OST sh.a per pranimin e Ofertes se Lidhjes se _____ nëpërmjet skemes _____ (Aneksi 1);
- E. OST-së dhe Shoqerise i kërkohet që sipas Kodit të Rrjetit (siç përshkruhet më poshtë) të hyjë në marrëveshje për lidhjen e, _____, me rrjetin e transmetimit, sipas skemës principale elektrike të aprovuar;
- F. Shoqeria është pajisur/ne proces per t'u pajisur me liçensë per (Prodhimin e Energjise Elektrike/tjeter) nga ERE miratuar me Vendimin e ERE Nr____, datë ____ qe i bashkengjitet kesaj marreveshje si Aneks Nr.2./Me paisjen me kete Liçense Shoqëria do te dorezoje prane OST kopje te kesaj Liçence qe do ti bashkengjitet kesaj Kontrate.
- G. Shoqëria pranon se parashikimet e percaktuara ne kete marreveshje jane subjekt dhe rregullohen nga Kodi i Rrjetit te Transmetimit dhe anekset e tij, Rregullorja e Procedurave për Lidhjet e Reja dhe Modifikimin e Lidhjeve Ekzistuese me Rrjetin e Transmetimit si dhe aktet e tjera dale ne zbatim te tyre, dhe i deklararon për të njohura dhe të pranuar pa asnjë kusht ose rezervë;

PALET BIEN DAKORD sa me poshte:

NENI 1 - ANEKSET DHE PËRKUFIZIMET

1. Të gjitha parashikimet dhe Anekset përbëjnë pjesë integrale të kësaj Kontrate.
2. Me Anekse do te kuptojme:
 - a. Aneksi Nr.1: Dokumentacioni Teknik i lidhjes me Rrjetin Kombetar te Transmetimit;
 - b. Aneksi Nr.2: Liçensa per prodhimin e energjise elektrike, e leshuar nga ERE.
 - c. Aneksi Nr.3: Specifikimet teknike te sistemit te Matjes Tregtare
 - d. Aneksi Nr.4: Specifikimet teknike te lidhjes me sistemin e Telekomunikacionit.
 - e. Aneksi Nr.5: Specifikimet teknike te lidhjes me sistemin SCADA te Qendres Kombetare Dispeçer.
 - f. Aneksi Nr.6: Deklaratat e Pergjegjesise dhe Gadishmerise.
 - g. Aneksi Nr.7: Dorezimi i Pjeses se Linjes
 - h. Ne rast konflikti, ndermjet percaktimeve te bera ne Anekset e kesaj kontrate dhe dispozitave te mëposhtme, keto te fundit do të mbizotërojnë.
3. Në këtë Marreveshje, (përfshirë Anekset e saj) përveç kur konteksti e kërkon ndryshe, termat e mëposhtëm do të nënkuptojnë si vijon, dhe pervec ketyre percaktimeve çdo term tjetër i përdorur në këtë marreveshje ka të njëjtin kuptim me përkufizimet e termave të dhëna në ligjin nr. 43/2015, "Për sektorin e energjisë elektrike"

"Akt"	nenkupton çdo Ligj, Vendim te Keshillit te Ministrave, Udhezim te Ministrive ose te organeve publike rregullatore ose jo, te veshura me kompetenca per te nxjerre akte me qellim rregullimin e nje fushe te caktuar, te cilet kane efekt mbi veprimtarine e paleve dhe veçanerisht mbi fushen objekt i kesaj marreveshje.
"Marreveshje"	nenkupton kete marreveshje te lidhur midis perdoruesit dhe OST me qellim percaktimin e kushteve per lidhjen dhe perdorimin e rrjetit kombetar te transmetimit te energjise elektrike nga perdoruesi.
"Perdorues"	nenkupton personat fizike ose juridike, te cilet furnizojne me, ose te cilet furnizohen me energji elektrike nepermjet rrjetit te sistemit te transmetimit.
"Objekti"	Impjant gjenerimi ose ngarkese
"Hidrocentrali"	[ne rastin e marreveshjeve te lidhjes me impjant gjenerimi] nënkupton, Hidrocentralin _____ qe do te ndertohet nga Perdoruesi.
"Asetet e lidhjes"	nenkupton asetet e lidhjes (linja, nenstacioni, elemente te tjere lidhes), qe do te ndertohet nga perdoruesi, per te lidhur Çentralin

	prodhues/Konsumator te Energjise elektrike me rrjetin e transmetimit siç eshte paraqitur ne Aneksin Nr.1.
“Nenstacion”	Nenkupton Nenstacionin TL/TM qe do te ndertohen nga perdoruesi.
“Pika e Lidhjes ”	nenkupton, piken ku objektet lidhen me rrjetin e transmetimit, qe percakton vendin e sakte te lidhjes me rrjetin e transmetimit (Hyrjedalje ne linje, lidhje ne zbara, etj.)
“Pika e Matjes”	nenkupton, piken ku matet energjia elektrike qe perdoruesi, injekton ne/merr nga rrjeti i transmetimit qe eshte i instaluar ne anen e tensionit te larte te Transformatorit te fuqise.
“Komisionim”	nenkupton procesin e testimit, kontrollit dhe kolaudimit te asetëve te lidhjes (nenstacionit TL/TM dhe pjeses se linjes lidhese), per te plotesuar kushtet dhe percaktimet e parashtruara nga Kodi i Rrjetit te Transmetimit.
“Liçensa”	nenkupton ne çdo kohe, dokumentin zyrtar per liçensimin e nje subjekti dhe veprimtarine e saj sipas ligjit te zbatueshem.
“Kodi i Rrjetit”	nenkupton Kodin e Rrjetit te Transmetimit te miratuar nga ERE, qe eshte teresia e rregullave teknike, të cilat rregullojnë operimin e sistemit të transmetimit, si dhe përcaktojnë kushtet e shërbimit që ofrohen nga Operatori i Sistemit të Transmetimit ndaj përdoruesve të sistemit të transmetimit, në përputhje me rregullat e ENTSO-e .
“Rregullator”	nenkupton ERE (Entin Rregullator te Energjise)
“Rrjeti i Transmetimit”	nenkupton rrjetin kombetar te transmetimit te energjise elektrike siç percaktohet ne Kodin e Rrjetit te Transmetimit.
“Ndryshim ne kontroll”	nenkupton cdo shitje, kalim, transferim, nderprerje, qera, tjetersim, dhurim, doreheqje, shkembim, ose ndonje heqje tjeter dore nga kontrolli.
“Punimet”	nenkupton punen qe do te kryhet nga perdoruesi ose kontraktori i tij per te realizuar lidhjen ne rrjetin e transmetimit.
“Nderprerje te Programuara te Detyruara”	nenkupton çdo nderprerje e detyruar nga rrethana sic percaktohen ne kete marreveshje e kerkuar nga OST ne perputhje me kete marreveshje dhe qe amendon nderprerjet e planifikuara ne sistem
“Dite Pune”	nenkupton te gjitha ditet e javes pervec te shtunes, te dieles dhe çdo dite pushimi zyrtar ne Republiken e Shqiperise.
“Qendra Operative e Perdoruesit”	nenkupton njesine organizative te perdoruesit me aftesite e nevojshme teknike e cila eshte nderfaqja direkte ndermjet objektit te perdoruesit dhe OST/Qendres Kombetare Dispecer

--	--

NENI 2 – OBJEKTI

- (i) Objekti i Marrëveshjes është përcaktimi i termave dhe kushteve për lidhjen në Rrjetin e Transmetimit të OST sh.a., të _____(objekti plotësohet me përshkrim perkates) të shoqërisë _____, sipas skemës _____ (Aneksi 1).

NENI 3 – KOHEZGJATJA E MARREVESHJES

1. Kjo Marreveshje lidhet për një kohezgjatje të pacaktuar, përveç rasteve të zgjidhjes së marreveshjes sipas nenit 18.
2. Në rastin kur Përdoruesi synon ta përfundojë këtë Marreveshje duhet të bëjë të ditur qëllimin e saj, duke njoftuar OST me anë të njoftimit të rregjistruar 3 (tre) muaj përpara.
3. Zgjidhja e Marreveshjes sjell shkeputjen fizike të (sipas projektit për lidhjes).

NENI 4 – DEKLARIME DHE GARANCI TE PËRDORUESIT

Përdoruesi deklaron dhe garanton OST se:

1. Përdoruesi është themeluar në përputhje me legjislacionin shqiptar, i regjistruar pranë Regjistrimit Tregtar dhe nuk është subjekt i asnjë procedure likuidimi dhe/ose falimentimi.
2. Përdoruesi zoteron të gjitha autorizimet e nevojshme me qëllim zbatimin e punimeve që lidhen me ndertimin, komisionimin dhe venien në punë të objektit dhe aseteve të lidhjes.
3. Përdoruesi disponon të gjitha mjetet, financiare, teknike dhe teknologjike me qëllim realizimin e projektit që lidhet me ndertimin e objektit, aseteve të lidhjes, dhe të të gjitha veprimtarive të tjera që lidhen me mirëmbajtjen dhe shfrytëzimin në punë nga vetë përdoruesi. Shpenzimet për mirëmbajtjen dhe shfrytëzimin e aseteve të lidhjes janë në ngarkim të Shoqërisë dhe përcaktohen në marreveshjen e mirëmbajtjes që do të lidhet midis OST sh.a., dhe Shoqërisë pas nënshkrimit të Marreveshjes së Operimit.
4. Përdoruesi do të zbatojë me përpikëri të gjitha procedurat dhe rregullat e zbatueshme në përputhje me Kodin e Rrjetit të Transmetimit dhe legjislacionit shqiptar në përputhje me ndertimin dhe venien në punë të objektit dhe aseteve të lidhjes.
5. Lidhja dhe zbatimi i kësaj marreveshjeje nga ana e përdoruesit nuk përben asnjë shkelje të ligjit në fuqi në Shqipëri, dokumenteve statutores të shoqërisë dhe çdo kontratë ose marreveshjeje në të cilën përdoruesi është palë.
6. Shoqëria do të garantojë dhe sigurojë OST sh.a., përgjatë gjithë kohezgjatjes së kësaj marreveshjeje, të drejtën e kalimit për të hyrë dhe për të kryer punime në Nënstacionin lidhës me rrjetin e transmetimit, të përdoruesit, si dhe në sipërfaqet e tokës ku kalon traseja e linjes lidhëse.

7. Shoqeria do ti kaloje OST ne pronesi asetet e lidhjes me rrjetin e transmetimit dhe do ti garantoje dhe siguroje OST sh.a., gezimin e qete, per te perdorur dhe gezuar pronen e kaluar, me ane te nje kontrate dhurimi. Ne kete rast pika 3 e ketij neni nuk do te zbatohet per pjesen qe lidhet me shpenzimet e mirembajtjes dhe shfrytezimit te aseteteve te lidhjes.

NENI 5 – DEKLARIME DHE GARANCI TE OST sh.a.

OSTsh.a deklaron dhe garanton Perdoruesin se:

1. OST sh.a. eshte nje person juridik publik, i cili vepron ne perputhje me legjislacionin dhe te drejten shqiptare.
2. OST sh.a. zoteron te gjitha mjetet teknike dhe teknologjike, si dhe personelin e kualifikuar dhe te pershtatshem me qellim zbatimin dhe permbushjen e detyrimeve qe rrjedhin nga kjo marreveshje.
3. Lidhja dhe zbatimi i kesaj marreveshje nga ana e OST sh.a. nuk perben shkelje te ligjeve ne fuqi ne Shqiperi, te dokumenteve te krijimit te saj, si dhe te çdo kontrate apo marreveshje ku OST eshte pale.

NENI 6 – DETYRIMET E PERDORUESIT

1. Perdoruesi ka projektuar dhe do te ndertoje me shpenzimet e veta objektin dhe asetet e lidhjes qe te siguroje lidhjen e _____ (objekti plotesohet me pershkrim sipas projektit), me rrjetin _____kV te transmetimit te OST sh.a.
2. Perdoruesi do te respektoje te gjitha specifikimet teknike ne lidhje me telekomunikacionin, sistemin SCADA dhe matjen, pjese te kesaj marreveshje dhe te detajuara ne Anekset Nr.3, 4 dhe 5.
3. Perdoruesi do te perdore per te ndertuar asetet e lidhjes, teknologjine bashkekohore si edhe te gjitha sistemet e sigurise, ne mbrojtje te rrjetit kombetar te transmetimit te energjise elektrike.
4. Perdoruesi do te kryeje te gjitha punimet ne lidhje me ndertimin e aseteteve te lidhjes, ne perputhje te plote me projektin e paraqitur dhe miratuar nga OSTsh.a.
5. Perdoruesi do te lejoje ne çdo moment OST sh.a., punonjesit, nenkontraktoret dhe/ose personat e trete te autorizuar prej saj, te hyjne ne zonen ne pronesi te saj ku ndodhet nenstacioni dhe linja qe po ndertohen/jane ndertuar, me qellim inspektimin e punimeve te kryera dhe kryerjen e verifikimeve qe kerkohen ne perputhje me Kodin e Rrjetit te Transmetimit.
6. Perdoruesi garanton se me shpenzimet e tij do te ruaje te vlefshme pergjate tere kohezgjatjes se kesaj marreveshje te gjitha autorizimet e nevojshme me qellim mirefunksionimin e aseteteve te lidhjes.

7. Ne rast se Përdoruesi kërkon shkeputjen e lidhjes elektrike nga Rrjeti i Transmetimit duhet të njoftojë OST sh.a., 3 muaj përpara dhe Shoqëria është e detyruar të mbulojë të gjitha shpenzimet e nevojshme për shkeputje.
8. Përdoruesi garanton se me shpenzimet e tij do të ruajë të vlefshme përgjate tere kohezgjatjes se kesaj Marreveshje te gjitha Autorizimet e nevojshme me qellim mirefunksionimin e _____ (objekti) dhe aseteteve te lidhjes.
9. Përdoruesi merr persiper të mbaj në një gjendje eficente _____(objekti) që mos të shkaktojë dëmtim të përdoruesit e tjerë të përfshirë tashmë, ne Rrjetin e Transmetimit te OST sh.a.
10. Me kërkesë të OST sh.a dhe në mënyrën e përcaktuar nga kjo e fundit, Shoqëria, duke mbartur shpenzimet perkatese, do te kryeje ndërhyrjet e nevojshme ne _____, kur zhvillimet e Rrjetit te Transmetimit ose nevojat e rrjetit e bëjnë këtë të nevojshme për të garantuar sigurinë e sistemit te Elektroenergjetik Shqiptar;
11. Shoqëria duhet të njoftojë menjëherë OST sh.a per cdo ndryshim dhe / ose ngjarje në lidhje me karakteristikat teknike, menaxhimin, operimin dhe kontrollin e _____(objekti) , dhe në përgjithësi, te respektoje detyrimet per informim në përputhje me parashikimet e Kodit të Rrjetit.

NENI 7 - DHENIA E AKSESIT

1. Përdoruesi është i detyruar t'i japë akses te plote OST, pa asnje kundershperblim apo pretendim te cfaredolloji, qe OST te beje ne te ardhmen zgjerimin e nenstacionit ngrites ____ kV ne (plotesohet sipas rastit pika ne rrjetin e transmetimit dhe detaje mbi menyren e zgjerimit), per nevoja te zhvillimit te sistemit te transmetimit ne perputhje me Kodin e Rrjetit te Transmetimit. Per kete ne sheshin e nenstacionit duhet parashikuar hapësira e lire per zgjerimin e tij sipas nje planimetrie te aprovuar nga OSTsh.a.
2. Autorizimet qe do te jepen nga OST sh.a., per lidhjen e nje pale te trete nepermjet aseteteve te lidhjes te realizuara nga Shoqëria, do te jene ne respektim te nenit 28 te Ligjit nr. 43/2015 "Per sektorin e energjise elektrike" dhe Rregullores se Procedurave për Lidhjet e Reja dhe Modifikimin e Lidhjeve Ekzistuese me Rrjetin e Transmetimit.

NENI 8 – DETYRIME TE OST sh.a.

1. OSTsh.a. duhet te:
 - a) marre persiper planifikimet dhe detyrimet perkatese.,
 - b) Te marre ne dorezim Pjesen e Linjes _____
Pjesa e Linjes qe do t'i dorezohet dhe kaloje ne pronesi OST-se, fillon tek shtylla Nr.____ deri tek shtylla Nr.____, perfshire shtyllat, bazamentet dhe siperfaqet e tokes se bazamenteve te shtyllave. [i aplikueshem kur ka dhurim]
 - c) brenda një periudhe të arsyeshme nga momenti kur shoqëria ka permbushur percaktimet e bera ne nenin 8 dhe 10 si dhe me nje njoftim me shkrim te saj, t'i

sigurojë Shoqërisë akses në Rrjetin e Transmetimit, për të mundësuar përfundimin e punimeve duke energjizuar Nenstacionin _____

NENI 9 – DOREZIMI I PJESËS SE LINJES [i aplikueshem kur ka dhurim]

1. Kalimi i pronesisë së Pjesës së Linjes _____ që fillon nga shtylla Nr. ____ deri tek shtylla Nr. _____ përfshirë shtyllat, bazamentet të cilin janë ndërtuar shtyllat dhe sipërfaqet e tokës së bazamenteve të shtyllave (sipërfaqja e kërkendeshit që formojnë kembet e shtyllës plus një meter për anë) do të bëhet menjëherë sapo kjo linjë të jetë përfunduar dhe të jetë gati për përdorim. Ky kalim mund të bëhet edhe me parë, në qoftë se e dikton vullneti i paleve, në çdo rast, kalimi i pronesisë duhet të bëhet përpara së Pjesës së Linjes dhe Nenstacionit në fjalë të energjizohen.
2. Kalimi i pronesisë do të bëhet me kontratë dhurimi, ku Shoqëria do të dhurojë dhe OST do të pranojë pasuritë e parashikuara në pikën (i) të këtij neni.
3. Në Aneksin 7, pjesë e kësaj marrëveshjeje, jepet planimetria në të cilin janë paraqitur Pjesa e Linjes _____ që përfshin shtyllat, bazamentet dhe linjen me gjatësi _____ që do të kalojë OST sh.a dhe vlera përkatëse e tyre.

NENI 10 – LIDHJA ME SISTEMIN SCADA, TELEKOMUNIKACIONIN DHE KOMUNIKIMIN ME QENDREN KOMBETARE DISPECER

1. Përdoruesit e lidhur në rrjetin e transmetimit, do të transferojnë të dhënat në kohë reale drejt Qendrës Kombëtare Dispecer, duke realizuar lidhjen e detyrueshme dhe telekomunikimin duke përbushur kërkesat e përcaktuara në Aneksin Nr.4.
2. Shoqëria merr përsipër integrimin e të dhënave të nevojshme të Nenstacionit të ri 110/10 kV për Kontroll-Monitorimin në sistemin SCADA të Qendrës Kombëtare Dispecer. Të dhënat e nevojshme për tu integruar duhet të jenë statuset e celsave/thikave, alarmet dhe matjet (P, Q, U, I, F) për traktet 110 kV të linjave dhe transformatorëve të këtij nenstacioni, duke përbushur kërkesat e përcaktuara në Aneksin Nr.5.
3. Shoqëria merr përsipër të zbatojë të gjitha detyrimet që lindin nga Kodi i Transmetimit, Kodi i Lidhjes të cilat përfshijnë por jo vetëm, zbatimin e menjëhershëm të urdhërave të Qendrës Dispecer, përveç rasteve kur ky veprim mund të rrezikojë sigurinë e personelit ose impiantit.

NENI 11 – TESTIMI, KOMISIONIMI DHE ENERGJIZIMI

1. Pas përfundimit të ndërtimit të aseteve të lidhjes dhe të _____ (objektit), përdoruesi do të njoftojë OST, për të organizuar një grup të përbashkët pune. Roli i OSTsh.a në këtë grup pune është të asistojë gjatë testimit dhe komisionimit të pajisjeve të instaluar me qëllim lidhjen e Centralit prodhues/konsumator, në përputhje me Kodin e Rrjetit të Transmetimit. Mos prezencë e stafit të OST gjatë proceseve të testimit dhe komisionimit, i bën të pavlefshme rezultatet.

2. Për qëllimet e kryerjes së testimit dhe komisionimit të asetëve të lidhjes, Përdoruesi vë në dispozicion të OST sh.a te gjithë dokumentacionin teknik që lidhen me funksionimin e instalimeve te tilla. Ky dokumentacion duhet te jete ne gjuhen shqipe ose angleze.
3. OST sh.a, gjithashtu mund t'i kërkojë përdoruesit që me shpenzimet e tija, të bëjë punë shtesë të paparashikuara në marrëveshje por të gjykuara të nevojshme për të verifikuar se asetet e lidhjes janë konform specifikimeve dhe kushteve të kësaj marrëveshje.
4. Përdoruesi është i detyruar të dorëzojë protokollet e plota të kontrollit dhe testimit të pajisjeve, të kryera në prani të specialistëve të OST dhe të firmosura prej tyre, si dhe të dorëzojë pranë OST, një kopje të protokolleve të pranimit (FAT & SAT), transformatoreve të fuqisë, pajisjeve primare dhe sekondare;
5. Pas përfundimit të testimit dhe komisionit të parashikuar në pikën (i) të këtij neni, midis përfaqësuesve të OST dhe përfaqësuesve të shoqërisë, do të nënshkruhet protokollin i matjes tregtare të instaluar në anën ____ kV të transformatorit ngrites të nenstacionit ____ kV.
6. OST do të energjizojë nenstacionin lidhës me rrjetin e transmetimit ____ kV, vetëm pasi të jenë plotësuar detyrimet e parashikuara në këtë marrëveshje, si dhe detyrim përkatës të përcaktuar në Marrëveshjen e Operimit, për lidhjen në rrjetin e transmetimit sipas projektit të miratuar.

NENI 12 – PAJTUESHMERIA DHE NJOFTIMET OPERACIONALE

1. Në përputhje me Kodin e Rrjetit të Transmetimit/ Kodi i Lidhjes, rregulloren dhe këtë marrëveshje, sipas grafikut të punimeve pjesë e kësaj marrëveshje, përdoruesi do të paraqesë një raport periodik dhe një certifikatë finale performance të infrastruktures së tij lidhëse me rrjetin e transmetimit, duke shpjeguar përmbushjen në terma sasior dhe cilësor të kërkesave teknike dhe kritereve operacionale të specifikuar në Kodin e Rrjetit të Transmetimit, si dhe të kërkesave shtesë të parashikuara me ligj, marrëveshje bilaterale dhe/ose siç kërkohet nga OST.
2. Procedura operative e njoftimi për lidhjen dhe energjizimin e përdoruesit do të kryhet në përputhje me dispozitat përkatëse të Kodeve të ENTSO-E (European Network of Transmission System Operators for Electricity), lidhur me kërkesat për qendralet prodhuese dhe konsumatore të Energjisë Elektrike dhe detajohet si vijon:
 - a) Njoftimi Operacional i Energjizimit (EON);
 - b) Njoftimi Operacional i Ndermjetëm/perkohshëm (ION),
 - c) Njoftimi Operacional Final (FON), dhe
 - d) Njoftimi Operacional i Kufizuar (LON).
3. Përdoruesi do të ofrojë asistencën dhe gjithë informacionin e nevojshëm për OST për të mbledhur të dhëna për të verifikuar përmbushjen e kërkesave teknike dhe të performancës.
4. Përdoruesi do të kontrollojë me OST çështje relevante në një fazë të hershme të projektit në mënyrë që të mundësohen korrigjimet e nevojshme para verifikimit të pajtueshmërisë së plote për efekt të komisionimit dhe energjizimit final të lidhjes.

5. Grupi perkates i komisionimit bashke me njoftimeve operacionale, harton edhe Lejen Teknike e cila permban teresine e dokumentacionit teknik te pershkruara ne Kodin e Rrjetit te Transmetimit/ Kodi i Lidhjes.
6. Pas nenshkrimimit te kesaj marreveshjeje, shoqeria duhet te plotesoje te gjitha kerkesat e Marreveshjes se Operimit dhe ta nenshkruaje ate perpara venies ne shfrytezim normal

NENI 13 – PLANIFIKIMI I NDERPREJEVE DHE DE-ENERGJIZIMI

1. Bazuar ne procedurat e percaktuara ne Kodin e Rrjetit te Transmetimit, Operatori i Sistemit lejohet te beje menaxhimin e drejte te situatave teknike ne Sistemin Elektroenergjetik, duke marre ne konsiderate nje game te gjere kushtesh operacionale, ne rrethana normale dhe jo normale, ne kushtet e tanishme, dhe te nje sistemi ne te ardhmen. Ne Kodin e Rrjetit nuk mund te parashikohen dhe adresohen te gjitha mundesite operacionale, prandaj OST sh.a. ne rrethana te paparashikuara ne Kod, mund te veproje vendosmerisht ne zbatim te detyrimeve te veta.
2. OST sh.a. dhe perdoruesi duhet, ne ate mase qe eshte praktikisht e mundshme dhe arsyeshme, ne perputhje me Kodin e Rrjetit te Transmetimit, te koordinojne nderprerjet e planifikuara ne rrjet.
3. OST sh.a. dhe perdoruesi do te bejne perpjekje te arsyeshme per te siguruar qe nderprerjet e tilla do te jene me kohezgjatje minimale dhe do te shkaktojne shqetesime minimale per te tretet dhe nuk do te demtojne funksionimin e sigurte dhe te besueshem te sistemit.
4. Pavaresisht nga planifikimi i vjetor i nderprejeve, OST sh.a. do te mund te kryeje nderprerje te programuara te detyruar dhe de-energizim te pikes se lidhjes se perdoruesit, kur kjo kerkohet me qellim ushtrimin e funksioneve te saj, me kushtin qe te njoftoje kete te fundit 7 (shtate) dite kalendarike perpara dites se kryerjes se nderprerjeve, per ndryshimin e planit te nderprerjeve dhe per kryerjen e nderprerjeve te programuara te detyruar, sipas rastit.
5. Njoftimi i OST sh.a. do te perfshije:
 - a) njoftimin dhe arsyetimin
 - b) planin e nderprerjeve te perditesuar
 - c) nderprerjen e programuar te detyruar duke specifikuar numrin e pritshem te nderprerjeve, kohezgjatjen ne ore dhe datat per secilen pike lidhje ku kryhet nderprerja.
6. Nese perdoruesi pengon OST sh.a. ne kryerjen e nderprerjeve te programuara te detyruar, behet pergjegjes per te gjitha pasojat dhe kostot qe lidhen me vonesat dhe qe mund ti shaktohen OST apo te treteve me te cilet OST sh.a. eshte ne marredhenie kontraktuale.
7. OST do te ushtroje te drejten e de-energizimi te perdoruesit ne çdo kohe dhe ne afatet dhe masen qe OST sh.a e vlereson proporcionale me situaten, ne perputhje me Kodin e Rrjetit te Transmetimit, ose ne ndonje nga rrethanat e meposhtme:

- a) Ne kushtet e Forces Madhore, kur konsiderohet se rrethanat e kerkojne nje mase te tille;
- b) Per qellim te realizimit te projekteve per fuqizimin e rrjetit te transmetimit;
- c) Per qellim te realizimit te lidhjeve te reja te te treteve ne rrjetin e transmetimit;
- d) Me qellim gjetjen dhe eliminimin e nje defekti, per mirembajtjen, riparimin, ose testimin e nje pjese te rrjetit te cilat jane te nevojshme per te siguruar funksionimin normal dhe per te fuqizuar sigurine operacionale te rrjetit;
- e) Nese eshte e nevojshme ne nje situate emergjence ne afersi te rrjetit elektrik, ose ne rast nevoje per te zbutur efektet e çdo rreziku material ose humbje financiare per çdo person apo prone te lidhur me ose prane rrjetit;
- f) Kur kerkohet nga furnizuesi i perdoruesit per mospagese te furnizimit me energji elektrike. Ne nje rrethane te tille OST mund te kerkoje deshmi te mospageses nga perdoruesi;
- g) Kur perdoruesi nuk permbush detyrimet ne baze te Kodit te Rrjetit te Transmetimit dhe sipas vleresimit te OST sh.a kjo ka nje efekt material te demshem ne rrjet;
- h) Ne funksion te nenin 17 Ushtrimi i te Drejtave;
- i) Nese marreveshja mes paleve perfundon ose nese nuk ka dakordesi midis paleve per ndryshime te rrjetit te perdoruesit (shtese fuqie, rikonfigurim, etj).

Nese gjate kryerjes se punimeve ose gjate operimit te aseteteve te lidhjes, bazuar ne nje opinion te arsyeshem te seciles pale, kushtet ose menyra e veprimit te rrjetit te transmetimit ose ne rast se pjesa e linjes ose nenstacioni shfaq nje kercenim te menjehershem per plagosje ose deme materiale ndaj ndonje personi ose rrjetit te transmetimit ose vete nenstacionit, OST sh.a. mund te urdheroje, sipas rastit, personelin operativ te nenstacionit te de-energjizojë menjehere pjesen e linjes dhe nenstacionin ose OST sh.a. mund te de-energjizojë pjese te rrjetit te transmetimit, ne çdo rast, duke iu permbajtur Kodit te Rrjetit te Transmetimit, nese eshte e nevojshme ose e pershtashme per te shmangur shfaqjen e ketyre plagosjeve ose demeve.

8. Ne rastet e de-energjjizimit te nje perdoruesi OST sh.a. do te dokumentojë shpenzimet qe lidhen me de-energjjizimin dhe do ti faturtojë perdoruesit keto shpenzime kur:
 - a) de-energjjizimi eshte bere me kerkesen e perdoruesit;
 - b) de-energjjizimi eshte bere ne kushtet e nenit 28 dhe perdoruesi ka qene shkaktar per nevojen e de-energjjizimit;
 - c) kur de-energjjizimi eshte bere per shkak te shkeljes se Kodit te Rrjetit te Transmetimit apo Marreveshjes se Lidhjes, Marreveshjes se Operimit dhe Marreveshjes se Mirembajtjes.
9. Kur de-energjjizimi kerkohet nga furnizuesi i perdoruesit, OST sh.a. do ti faturtojë shpenzimet ne lidhje de-energjjizimi furnizuesit te perdoruesit.
10. OST sh.a. do te ri-energjjizojë sa me pare qe eshte e mundur perdoruesin kur ka te dhena qe rrethanat qe çuan ne de-energjjizim nuk ekzistojne me apo ka garanci te dokumentuar qe rrethanat nuk do te perseriten;
11. OST sh.a. mund te kerkoje nga perdoruesi i prekur nga de-energjjizimi, prova te arsyeshme ose kryerjen e testeve vete ose me te trete ose te lejoje OST te kryej testimet e

nevojshme për të verifikuar që shkaqet e de-energizimit janë adresuar apo nuk ekzistojnë me.

12. Kur verifikimi apo testimet kryhen nga OST sh.a. përdoruesi do të jetë përgjegjës për mbulimin e kostove perkatëse.
13. Ri-energizimi do të kryhet me koordinimin e të dyja paleve duke garantuar sigurinë e operimit të sistemit dhe shmangur efektet shqetësuese për të tretet.
14. Kostot për ri-energizimin alokohen në të njëjtën mënyrë si kostot e de-energizimit.

NENI 14 - TË DREJTAT DHE DETYRIMET E SHOQERISE SI PËRDORUES I LIDHJES

1. Pas lidhjes së _____ (objektit), në pajtim me dispozitat e Marreveshjes e Operimit dhe Marreveshjes së Transmetimit (kur është e aplikueshme), Shoqëria fiton të drejtën për të injektuar/marre energji elektrike në/nga Rrjeti i Transmetimit në përputhje me fuqinë e instaluar të deklaruar dhe në përputhje me:
 - a. Rregullat teknike për lidhje të përcaktuara nga OST sh.a;
 - b. Kushtet teknike dhe ekonomike të aksesit dhe interkoneksion në rrjet të përcaktuara nga Autoriteti;
 - c. Rregullat e dispecerimit të përcaktuara në Kodin e Rrjetit të transmetimit;
 - d. Kërkesat e tjera të përcaktuara në lidhjen me lidhjen në rrjetin e transmetimit e që janë të përcaktuara në Kodin e Rrjetit të Transmetimit.
2. Përdoruesi i Lidhjes nuk mund të injektojë/marre në/nga rrjeti një fuqi më të lartë se ajo e përcaktuar në Oferten e Lidhjes.

NENI 15 – TRANSFERIMI I MARREVESHJES

1. Në rast se përdoruesi do të transferojë këto marreveshje të treta, duhet të plotësojë me parë këto kushte:
 - a) Pala e treta duhet të jetë e pajisur me licensat e nevojshme nga Enti Rregullator i Energjisë si dhe,
 - b) Të dokumentojë shlyerjen e çdo detyrimi ndaj OST sh.a.,
 - c) Të ketë njoftuar me shkrim OST sh.a., 3 (tre) muaj më përpara ekzekutimit të transferimit.

NENI 16 – FORCA MADHORE

1. Me përjashtim të rasteve shprehimisht të parashikuara në këto Marreveshje, asnjë Pale nuk do të konsiderohet në shkallë të kësaj Marreveshjeje në qoftë se provon që moszbatimi i detyrimeve të saj sipas kësaj Marreveshjeje është i shkaktuar nga një rast Force Madhore. Force madhore është një ngjarje ose një akt natyror ose shoqëror që ndodh në vend, si termetet, ciklonet, rrufetë, përmytjet, shperthimet vullkanike, zjarret, lufta, konfliktet e armatosura, kryengritjet, aktet terroriste, të cilat pengojnë palet të përmbushin detyrimet e tyre sipas kësaj kontrate, si dhe akte ose ngjarje të tjera, të cilat janë jashtë kontrollit të

mundshem te paleve dhe nuk ndodhin per faj te tyre dhe palet nuk jane ne gjendje t'i eleminoje ato, edhe pse kane ushtruar siç duhet aftesite, perpjekjet dhe kujdesin e tyre.

2. Ne qofte se çdo pale eshte ne pamundesi te permbushë ndonje ose te gjithë detyrimet e saj sipas kesaj marreveshje per shkak te nje ngjarje te Forces Madhore, kjo marreveshje do te jete ne fuqi per:
 - a) detyrimet perkatese te pales mospermbushese do te pezullohen per nje periodhe te barabarte me ngjarjen ose rrethanen e Forces Madhore.
 - b) detyrimet e Pales tjeter qe i detyrohet pales mospermbushese sipas kesaj marreveshje te cilat pala tjeter eshte e pamundur t'i permbushë drejtperdrejte si rezultat i pezullimit te detyrimeve te pales mospermbushese, do te pezullohen per nje periodhe te barabarte me ngjarjen ose rrethanat e Forces Madhore duke pranuar qe:
 - i. pezullimi i permbushjes eshte i nje qellimi jo me te madh dhe i njekohezgjatje jo me te madhe sesa kerkohet per Forcen Madhore;
 - ii. asnje detyrim i seciles pale i lindur perpara Forces Madhore duke shkaktuar pezullimin e permbushjes nuk do te anashkalohet si rezultat i Forces Madhore;
 - iii. pala ne mospermbushje njofton menjehere palen tjeter per ngjarjen ose rrethanen e Forces Madhore, duke perfshire natyren dhe kohezgjatjen e pritshme, dhe vazhdon t'i raportoje rregullisht ne lidhje me te gjate periudhes se Forces Madhore;
 - iv. pala mospermbushese perdor te gjitha mundesite e arsyeshme per te parandaluar, shmangur ose zbutur pasojat e Forces; dhe
 - v. sa me shpejt te jete e mundur pas shfaqjes se ngjarjes ose rrethanave te Forces Madhore Palet do te diskutojne per te vazhduar sa me mire veprimet e tyre sa me gjate te jete e mundur ne perputhje me kete marreveshje dhe Kodin e Rrjetit te Transmetimit.

NENI 17 – RASTET E MOSPERMBUSHJES

1. Nese konstatohet se perdoruesi eshte ne shkelje/mos permbushje te ndonje prej dispozitave te marreveshjes, Kodit te Rrjetit te Transmetimit apo kuadrit ligjor atehere OST ne perputhje me kompetencat e saj, sa me shpejt qe eshte e mundur do te njoftoje perdoruesin duke udhezuar ate per eliminimin e tyre dhe duke percaktuar afatet perkatese per kete qellim.
2. Ne vijim te njoftimit nga OST dhe zbatimit te udhezimeve per eliminimin e shkeljes/mos permbushjes nga ana e perdoruesit ky i fundit do te njoftoje OST brenda afatit te caktuar ne udhezimet e dhena prej saj, ose brenda 5 diteve pune nese OST nuk ka specifikuar afat tjeter, per hapat e ndermarra per eliminimin e shkeljes ose eliminimin perfundimtar te saj ose paaftesine per te eliminuar shkeljen.
3. Nese perdoruesi nuk vepron ne perputhje me udhezimin e OST, standardet e sigurise, Kodin e Rrjetit te Transmetimit dhe Marreveshjen e Lidhjes dhe Operimit, OST do te jape nje njoftim te dyte paralajmerues me shkrim dhe do te procedoje me de-energizimi pas kalimit te se paku 7 (shtate) dite nga ky njoftim, me kusht qe ne kohen e skadimit te njoftimit, perdoruesi ende nuk ka vepruar ne perputhje me udhezimet e OST.

4. Përjashtimisht nga sa parashikohet me larte, kur perdoruesi nuk permbush detyrimet e tij sipas kushteve te kesaj marreveshje dhe OST e vlereson te nevojshme ushrimin emergjent te funksioneve te saj, ka te drejte te de-energjizojë menjehere nenstacionin dhe te njoftojë me shkrim perdoruesin per shkaqet e ketij de-energizimi. Perdoruesi ne kete rast do te pergjigjet per demet e shkaktuara OST-se dhe do te marre masat per korrigjimin e situates dhe/ose permbushjen e detyrimeve te saj, sa me shpejte te jete e mundur. De-energizimi do te vazhdoje deri sa perdoruesi te korrigjojë situaten dhe/ose te permbushë detyrimet e tij.

NENI 18 – ZGJIDHJA E MARREVESHJES

1. OST sh.a ka te drejte, ne cdo kohe, te zgjidhe marreveshjen, nese verifikohet cdonjera nga sjelljet e meposhtme:
 - a. Shoqeria nuk respekton percaktimet e bera ne kete marreveshje, ne oferten e lidhjes dhe projekt-zbatimin perfundimtar te pranuar nga OST.
 - b. Pezullimi i një ose më shumë lejeve për qasje dhe lidhjen me Rrjetin e transmetimit;
 - c. Dështimi për të ndjekur kushtet teknike dhe ekonomike te lidhjes me Rrjetin e transmetimit dhe interkoneksionit;
 - d. Dështimi për të përmbushur detyrimet per informim te OST
 - e. Çdo sjellje tjetër që mund të rrezikojnë sigurinë dhe vazhdimësinë e Shërbimit te Operimit te rrjetit elektrik ose është në mënyrë të qartë në kundërshtim me dispozitat e Kodit të Rrjeti.
2. Në raste të tilla, shkeputja fizike, do te bëhet pas përfundimit të procesit të zgjidhjes se mosmarrëveshjeve sipas nenit te siper permendur.
3. Shoqeria ne kete rast do te pergjigjet per demet e shkaktuara OST-se.

NENI 19 – KONFIDENCIALITETI

1. Secila nga Palet merr persiper qe te ruaje sekret permbajtjen e kesaj marreveshje dhe kushtet e saj, si dhe çdo informacion dhe dokument qe palet kane shkëmbyer ose kane marre dijeni gjate negociemeve te kesaj marreveshje, me perjashtim te rasteve kur berja publike e sa me siper eshte kerkese e ligjeve shqiptare.
2. Detyrimi per te ruajtur sekret informacionet e marra si me siper per secilen nga palet ne kete marreveshje vazhdon edhe pas zgjidhjes se saj.

NENI 20 – NJOFTIMET

1. Pervec sa eshte parashikuar ndryshe ne nenet e tjera te kesaj marreveshje, çdo komunikim sipas saj do te behet me shkrim dhe do te njoftohet me leter rekomande (njoftim marrje), ne adresat e percaktuara me poshte:

Per OST, ne:

Adresa:

OST Sh.a.

Adresa Postare:	Autostrada Tirane-Durres, Km 9, Yrshek, Kashar, Tirane, Shqiperi
Numri i Telefonit:	+355 4 2225581
Adresa e Postes Elektronike:	info@ost.al
Ne Vemendje te:	Administratorit te OST sh.a.

Per Perdoruesin, ne :

Adresa:
Adresa Postare:
Numri i Telefonit:
Adresa e Postes Elektronike:
Ne Vemendje te: Perfaqesuesit Ligjor te Perdoruesit

ose ne adresen dhe/ose numrin e faksit qe u komunikohet paleve sipas menyres se percaktuar me siper.

2. Çdo komunikim i drejtuar ne adresat e mesiperme dhe i kryer sipas menyres se percaktuar me siper eshte i vlefshem dhe i detyrueshem per palet. Komunikimet konsiderohen te kryera ne menyre te vlefshme ne momentin e marrjes se letres rekomande nga marresi sipas menyres se percaktuar me siper.

NENI 21 – NDRYSHIMET

1. Cdo ndryshim i mundshem i ndonje kushti te kesaj marreveshje ose te nje te drejte qe rrjedh nga kjo marreveshje, do te jete i vlefshem nese do te behet me shkrim dhe do te nenshkruhet nga palet ose nese ndryshimet e propozuara miratohen nga ERE.
2. Secila nga palet ka te drejte te njoftoje palen tjeter per t'i rekomanduar keto ndryshime ne marreveshje, here pas here pasi jane te nevojshme per te siguruar pajtueshmerine me kerkesat e Kodit te Rrjetit te Transmetimit, Licensave perkatese qe ato kane, si dhe akteve te tjera relevante.

NENI 22 – NDASHMERIA

1. Çdo nen, dispozite, seksion, paragraf apo nen-ndarje e kesaj marreveshje qe eshte ose do te shpallet i pavlefshem ose te paefektshme, do te hiqet nga marreveshje, nuk do te zbatohet dhe nuk do te ndikojte, ne asnje menyre, ne vlefshmerine e dispozitave te tjera te kesaj marreveshje, per aq sa lejohet nga dispozitat ligjore.

NENI 23 – LIGJI I ZBATUESHEM DHE ZGJIDHJA E MOSMARREVESHJEVE

1. Kjo marreveshje eshte hartuar ne perputhje me legjislacionin e republikes se shqiperise dhe do te zbatohet dhe interpretohet ne perputhje me te.
2. Te gjitha mosmarreveshjet qe do te lindin si pasoje e interpretimit dhe zbatimit te kesaj marreveshje, kur kane te bejne me interpretimin e dispozitave te Kodit te Rrjetit te Transmetimit, do te zgjidhen ne perputhje me procedurat e parashikuara ne te. Ne çdo rast tjeter palet do te mundohen t'i zgjidhin mosmarreveshjet me mirekuptim midis tyre

dhe kur kjo eshte e pamundur, mosmarreveshjet, kur nuk i nenshktrohen dispozitave te Kodit te Rrjetit Transmetimit, do te zgjidhen nga Gjykata e Rrethit Gjyqesor Tirane.

NENI 24 – GJUHA

1. Me përjashtim të rasteve kur parashikohet ndryshe në kete marreveshje, te gjitha njoftimet, ose dokumente te tjera qe njera nga palet i jep pales tjeter sipas kesaj marreveshje, do te jene ne gjuhen Shqipe.
2. Kjo marreveshje eshte hartuar ne 4 (kater) kopje, ne gjuhen shqipe, ku tre kopje i mban OST sh.a dhe nje kopje perdoruesi.

OST SH.A.
NGA: Z. _____

Titulli: Administrator i OST sh.a.

PERDORUESI
NGA: Z. _____

Titulli: Perfaqesues ligjor i perdoruesit

Aneksi Nr.1: Dokumentacioni Teknik i lidhjes me Rrjetin Kombetar te Transmetimit.

Aneksi Nr.2: Licensa e prodhimit te Energjise Elektrike, leshuar nga ERE.

Aneksi Nr.3: Specifikimet teknike te Sistemit te Matjes Tregtare

Aneksi Nr.4: Specifikimet teknike te lidhjes me sistemin e Telekomunikacionin

Aneksi Nr.5: Specifikimet teknike te lidhjes me sistemin e SCADA te Qendres
Kombetare Dispeçer.

Aneksi Nr.6: Deklaratat e Pergjegjesise dhe Gadishmerise.

Aneksi Nr.7: Dorezimi i Pjeses se Linjes